

薛源
戊集

許
源
天
集

辭源 戌集

金部

【金】〔基音切音今侵韻〕●黃金也。古言黃金為諸金之長。故獨得金名。按黃金為化學

原質之一學名 *Aurum*。其雜於石英鑛脈間者。曰山金。狀如塊。或如粒。含金之巖石。崩而為沙。隨水流去。曰砂金。質柔。色黃。尋常酸類。俱不能溶解之。入王水始溶解。其延長性最富。以製貨幣器物。必和銅少許。●凡黃金之屬皆稱金。

古言五色金。謂金黃銀白銅赤鉛青鐵黑。舉五色以概其餘也。今言金屬。以別於黃金之稱。金凡金屬必為原質。能傳熱與傳電。且有反射光。世界已知之金屬。今約五十餘種。●所以計貨幣之數量也。或以一斤為一金。或以一鎰為一金。因時而異。今亦謂銀一兩曰一金。●金屬之器。或省稱金。如言金革。金指戈矛之屬也。言金鼓。金指鉦鐃之屬也。又鐘。鐘之屬。稱金奏。金聲。

●五行之一。於位為西。於時為秋。故言金。天。金風。●深也。〔淮南子〕「教之以金目則快射。」金目謂深目。●與噤通。見金口條。●朝代名。為女真族。姓完顏氏。世居松花江之東。服屬於遼。宋徽宗時。阿骨打稱帝。都會寧。〔今吉林〕國號金。滅遼攻宋。有今東三省黃河流域各省。及江蘇安徽淮北之地。凡九主。一百二十年。〔起民國前七九七終前六七八〕為蒙古所滅。●姓。風俗通云。少昊金天氏之後。漢休屠王子日磾事武帝。帝以休屠作金人祭天。亦賜姓金氏。又吳越避錢鏐嫌名。改劉為金。元之金履祥。其先即劉姓。見〔元史儒學傳〕。

【金人】〔家語〕孔子觀周。入后稷之廟。右陛之前。有金人焉。三緘其口。而銘其背曰。古之慎言人也。又〔賈誼過秦論〕始皇收天下之兵。聚之咸陽。銷鋒鋦。鑄以為金人十二。又〔後漢書〕明帝夢金人長丈餘。以問羣臣。或曰。西方有神。名曰佛。

【金山】●山名。山名金者甚多。其最著者有三。①在江蘇丹徒縣西北。舊在江中。今四周沙漲成陸。本名浮玉山。以裴頭陀開山得金。因名山。山下西南有中冷泉。所謂天下第一泉也。②即阿爾泰山。蒙古謂金為阿爾坦。泰即坦音之轉。魏太武帝時。阿史那居金山之陽。即此。③在奉天。〔明史〕遼東三萬衛西北有金山。〔方輿紀要〕山東南距衛三百五十里。明三萬衛。今開原縣。金山蓋在縣西北。●今縣名。明置。清改縣。屬江蘇松江府。以縣南有金山名。縣境海濱有金山城。相傳吳越錢氏築此為戍守處。今屬江蘇滬海道。●吾國稱美洲之三弗蘭昔司科為金山。後澳洲亦有采金。於是稱舊金山以別之。參看舊金山條。

【金川】水名。在四川西北邊境。即大渡河之上游。又有小金川。源出懋功廳西北。南流來會。其地為大小金川土司地。清乾隆時。土司莎羅奔。索諾木先後作亂。平之。

【金工】●官名。殷時天子六工之一。見〔禮記〕。即周官攻金之工。鼂氏築氏之類是也。●今謂以金屬造器之手工。曰金工。

【金女】〔集仙錄〕西王母。金女也。厥姓緱氏。【金丸】拂菻國王室門樓中懸一大金秤。以金丸十二枚。屬於衡端。以候十二時。為一金人立於側。每至一時。金丸輒落。見〔舊唐書〕。又〔西京雜記〕。韓嫣好彈。嘗以金為丸。所失者日有十餘。長安為之語曰。苦饑寒。逐金丸。

【金口】●喻言語之貴重也。〔晉書〕。今乃金口玉音。漠然沈默。●金與噤通。〔荀子〕。金口閉舌。【金夫】〔易〕。見金夫不有躬。夫為陽剛。故曰金。

夫。

【金井】①〔荊州記〕益陽縣有金井數百。古老傳有金人以杖量地。輒便成井。〔異物志〕廬陵城中有一井。中有二色。半青半黃。謂之金井。②詩家所云金井。則以古者施雕飾於井欄。故云。〔吳均詩〕「玉欄金井牽轆轤」。稱金玉者甚言其麗耳。

【金天】秋天也。〔張衡賦〕顧金天而歎息兮。吾欲往乎西嬉。〔注〕金天氏。西方之帝少皞也。

【金丹】道士煉金石為藥。謂服之可以成仙。是為金丹。其說分內丹外丹。外丹指所煉之金丹言。有一轉至九轉之說。內丹謂己身精氣煉成之丹也。宋人有金丹詩訣二卷。稱呂巖撰。夏元鼎編。元陳致虛有金丹大要十卷。

【金牛】①地名。蜀道之南棧。舊名金牛峽。故自陝西沔縣而西南至四川劍閣縣之大劍關口。稱金牛道。自秦以後。由漢中入蜀者。必取道於此。李白詩所謂秦開蜀道置金牛。是也。唐武德中。析利州之綿谷。置金牛縣。寶曆中。省入褒州。正緣金牛道得名。按昔人多鑄諸金。為伏牛形。以鎮山川。故山川之以金牛名者不一。如浙江之西湖。亦稱金牛湖。常州有金牛潭。武昌有金牛岡等是。②星宿名。在雄羊宿之左。賁畢。五車。天關諸星而言。五車天關在其角。畢在其面。昂在其項。③十二宮之一。Taurus 即大梁之次。

於十二辰值酉。其略號作〇。當陽曆四月二十日。於時為穀雨。太陽行至此宮。

【金斗】①食器也。趙王欲并代。令工人為金斗。長其尾。反之。可以擊人。於是與代王飲。陰告廚人。即酒酣。進熱釀。反斗擊之。見〔國策〕。②熨斗也。〔白居易詩〕廣裁衫袖長裁裙。金斗熨波刀剪紋。③〔穀山筆塵〕「工人以頭委地。而翻身跳過。謂之金斗」。亦作筋斗。

【金文】即古文。別於小篆而言。後人頗有鐘鼎之屬。以得見古文。遂稱金文。亦曰鐘鼎文。

【金玉】珍寶之通稱。亦用為貴重之意。〔詩〕「無金玉爾音」。故凡華麗可貴之物。輒稱金玉。

【金史】書名。元托克托等奉敕撰。凡紀十志三十九表四列傳七十三。凡一百三十五卷。明監本於卷三十三及七十六中有闕文。清殿本則刊足。

【金瓜】①蔬類植物。秋結實。形扁圓。色赭。亦名北瓜。②輿衛中之兵仗也。〔張昱詩〕衛士金瓜雙引導。

【金甲】黃金製甲也。後周警衛之制。左右宮伯。小宮伯。左右中侍服金甲。左右侍。左右前侍。左右後侍。左右騎侍服銀甲。左右宗侍服金塗甲。見〔隋書禮儀志〕。

【金母】道家內金於鼎。以煉真丹。謂其金曰金母。〔參同契注〕故金母受太陽之氣而產靈汞。①

即西王母。〔太平廣記〕西王母與東王公。共理二炁。男子得道。名隸木公。女子得道。名隸金母。

【金石】①金謂鐘鼎之屬。石謂碑碣之屬。古人於日用器物。大抵鐫勒文字。又頌功紀事。寓戒。亦皆銘諸金石。東漢而後。則墓碑盛行。梁元帝集錄碑刻。為碑英百二十卷。是為金石文字著錄之始。顧其書不傳。宋歐陽修趙明誠輩。始事搜採著錄。迄清代而大盛。金石之學。遂為專家。以其能識文字之源流。訂經史之訛闕。所裨於學者多也。②金謂金銀之屬。石謂玉石之屬。其質堅貞。故多以喻堅貞之事物。〔後漢書〕心如金石。〔古詩〕「人生非金石。焉能長壽考」。皆此義也。③金謂鐘之屬。石謂磬之屬。〔左傳〕「行之以金石之樂」。作樂以金始。以石終。金石居八音之先。故言樂者。輒稱金石。④兵器。亦稱金石。〔周禮職金〕凡國有大故而用金石。則掌其令。〔注〕用金石者。作槍雷椎棹之屬。

【金仙】神仙之別稱。唐睿宗二女出家為女冠。一封金仙公主。一封玉真公主。佛家稱外道仙人修行堅固者。亦曰金仙。〔法苑珠林〕「上古有二金仙。修道石室」。又宋徽宗崇道教。改稱佛為大覺金仙。見〔宋史〕。

【金丘】〔淮南子〕西方曰金丘。〔注〕西方金位也。因為金丘。〔晉書〕瑯玕耀景。捐金丘而一息。

【金汁】①糞汁也。截竹筒。留兩節。置糞園中。逾年

取出。中所含汁。謂之金汁。可培花木。○謂金之鎔液。〔周禮〕準之然後量之。〔疏〕此量。謂既準訖。量金汁以模中鑄作之時也。○謂入黃金於水而煎汁。見〔本草集解〕。

【金穴】〔後漢書〕郭后弟况。遷大鴻臚。帝數幸其第。賞賜金錢繅帛。豐盛莫比。京師號爲金穴。

【金州】西魏置。明改興安州。卽今陝西安康縣治。又奉天有唐置金州。甘肅有元置金州。並詳金縣條。

【金竹】○謂竹莖作黃色者。產廣東。〔謝靈運文〕北獻氈裘。南貢金竹。○謂金音與竹音也。〔鍾嶸詩品〕詩頌皆被之金竹。

【金谷】地名。在河南洛陽縣西。谷中有水。自新安洛陽東南流。經此谷。又東南入於瀍河。古時入穀水。水經注謂之金水。石崇自序云。余有別廬。在金谷澗中。清泉茂樹。衆果竹柏。藥物備具。又有水碓魚池。此世所傳金谷園也。

【金吾】執金吾亦稱金吾。〔西都雜記〕「正月十五日。夜。勅金吾弛禁。前後各一日。」詳執金吾條。

【金言】謂貴重之言也。〔白居易詩〕金言自銷鑠。

【金身】指佛像。〔司空曙詩〕百丈金身開翠壁。

【金狄】○〔張衡賦〕高門有閑。列坐金狄。〔注〕金狄。金人也。卽秦始皇所鑄者。○宋徽宗時。道教方盛。其詔命章表。皆稱佛爲金狄。如宣和間詔。

云。金狄胡風。陰邪之氣。林靈素賀表云。蠶金狄之成羣。干丹霄之正法。見〔坦齋筆衡〕。

【金門】○金馬門亦省稱金門。〔漢書〕「歷金門上玉堂有日矣。」詳金馬門條。○今縣名。其地本金門島。亦名浯洲嶼。在廈門島之東。明鄭成功嘗舉兵於此。今始置縣。屬福建廈門道。

【金河】在山西歸化城南。今日黑河。蒙古名伊克土爾根河。古之白渠。亦曰芒干。水有二源。一出歸綏縣東北官山。南流。一出察哈爾。鑿藍旗東北海拉蘇台。名喀喇江。西流。經縣治南。納小黑河。哈爾爾几河。又西南經托克托縣東。納黃水河。入於黃河。隋煬帝巡雲內。泝金河而東北。幸突厥啓民可汗所居。

【金波】○謂月光也。〔漢書〕月穆穆以金波。○酒名。見〔曲洧舊聞〕。

【金版】○〔周禮〕職金旅於上帝。則共其金版。〔注〕餅金謂之版。按汲冢周書。武王問周公之言。乃召昆吾冶而銘之金版。蓋國有大事。旅於上帝。以罪己懲艾之辭。鑄於金版也。○兵書名。〔莊子〕「橫說之則以詩書禮樂。從說之則以金板六弢。」釋文云。板本亦作版。周書篇名。

【金官】○〔禮〕孟秋之月。其帝少皞。其神蓐收。〔注〕此白精之君。金官之臣。蓐收少皞氏之子。曰該。爲金官。○採金之官。〔漢書〕桂陽郡有金官。

【金芝】〔漢書〕元康四年。金芝九莖。產於函德殿銅池中。〔注〕金芝。色像金也。

【金虎】○臺名。魏文帝所築。在銅雀臺側。見〔鄴中故事〕。○〔張衡賦〕卒於金虎。〔注〕貪求之德。堅若金。譏謗之言。惡如虎也。○日也。〔劉孝綽望月詩〕玉羊東北上。金虎西南晨。

【金昆】〔顏氏家訓〕漢書以貨泉爲白水真人。新論以金昆爲銀。○如此之例。蓋數術謬語。假借依附。難以戲笑耳。

【金泥】古封禪所用。施諸玉牒玉檢。以爲封泥者。〔後漢書〕「光武求元封時封禪故事。有司奏用玉牒玉檢。以水銀和金爲泥。」參看玉檢條。

【金兔】世謂月爲玉兔。亦稱金兔。〔江總詩〕金兔猶懸魄。銅龍欲啓扉。

【金風】秋風也。〔張協詩〕金風扇素節。

【金星】八大行星之第二星。其軌道在水星與地球之間。自地球視之。最明。故亦名明星。啓明長庚太白。皆此星也。參看八大行星及長庚條。

【金屋】極言屋之華麗也。〔漢武故事〕武帝爲太子時。長公主欲以女配帝。問曰。得阿嬌好否。帝曰。若得阿嬌。當以金屋貯之。

【金奏】〔周禮〕鍾師掌金奏。〔注〕擊鍾以爲奏樂之節也。〔左傳〕金奏作於下。

【金城】○地名。〔漢書〕今甘肅舊蘭州。西寧二府地。治允吾。故城在今皇蘭縣西北黃河北岸。宋

廢。②漢縣。屬金城郡。故城在今阜蘭縣西南。晉時爲金城郡治。乞伏乾歸自苑川遷金城。稱金城王。卽此後魏改子城。隋復名金城。後改五泉。言城之堅。若以金鑄成也。〔韓非子〕不謹蕭牆之患。而固金城於遠境。〔史記〕秦皇之心。自以爲關中之固。金城千里。子孫帝王萬世之業也。

【金剛】梵語跋折羅。華言金剛。意謂金之至剛者。能壞物而物不能壞。故言體言智言信。率以金剛喻之。因亦以之名神。如金剛夜叉。金剛藏王。金剛童子之類。又以之狀物。如金剛寶。金剛杵。金剛輪之類。

【金烏】日也。昔人相傳日中有三足鳥。〔韓愈詩〕金烏海底初飛來。

【金粉】①鉛粉也。金粉爲婦女妝品。故詩家詠婦女事。率用之。如言南朝金粉。北地胭脂。②花鬚粉也。色黃故云金。〔溫庭筠詩〕曉來金粉覆庭莎。③金屑也。詳綠化第二金條。

【金針】〔桂苑叢談〕鄭侃女采娘。七夕陳香筵。祈於織女。織女遺一金針。長寸餘。令三日勿語。當奇巧。〔元好問詩〕鴛鴦繡出從教看。莫把金針度與人。

【金庫】藏貨幣之庫也。今財政部之金庫。以北京中國銀行代理。司現金之出納保管事宜。

【金神】陰陽家言。太白之精。白獸之神。甲己之年。

在午未申酉。乙庚之年在辰巳。丙辛之年在子丑寅卯。午未。丁壬之年在寅卯戌亥。戊癸之年在申酉子丑。見〔協紀辨方書〕。

【金蛇】①小蛇之體作金色者。本草云。生賓州澄州。常登木飲露。②喻電光也。〔陸游詩〕百尺金蛇電掣空。

【金堂】①謂堂之華麗者。〔古歌〕入金門。上金堂。②今縣名。唐置。明清皆屬四川成都府。今屬四川西川道。③叢辰名。月中善神也。舊曆以正月辰日。二月戌日。三月巳日等當之。見〔協紀辨方書〕。

【金陵】地名。今江寧縣。戰國楚置金陵邑。唐武德三年。更江寧曰歸化。八年。更歸化曰金陵。九年。更金陵曰白下。五代楊吳時。置金陵府於此。石晉天福二年。南唐李氏建都。改爲江寧府。

【金魚】①鯽之變種。體小。種類不一。或腹大。或額豐。眼凸。頸短。尾歧。或金紅色。或白色。或黃白相交。一稱金鯽。〔蘇舜欽詩〕沿橋待金鯽。②佩飾也。唐制。三品以上。佩魚用金。〔韓愈詩〕玉帶懸金魚。③鑰也。古者鑰形似魚。故云。〔李商隱詩〕牢合金魚鎖桂叢。

【金張】金曰碑。張安世。皆漢宣帝時權貴。氏族甚盛。後遂以金張稱貴族。〔左思詩〕金張籍舊業。

【金紫】謂金印紫綬也。秦漢惟丞相爲然。〔漢書〕「丞相秦官。金印紫綬。」晉制。光祿大夫亦得假。

金章紫綬。南齊乃有金紫光祿大夫之稱。〔韓偓詩〕金紫雍容富貴身。

【金釘】①壁間橫木之飾。〔班固賦〕「金釘銜壁。是爲列錢。」詳釘字注。②釘與釘通。燈也。〔李白詩〕金釘青凝照悲啼。

【金荷】燭檠也。〔范成大詩〕留連銀燭照金荷。

【金船】〔海錄碎事〕金船。酒器中大者。〔庾信詩〕「金船代酒卮。」或以爲卽曹植鴨頭杓之遺製。立木人於船上。而移船行酒也。

【金莖】銅柱也。以擎承露盤者。〔後漢書〕擢雙立之金莖。

【金部】官名。周官有職金。掌金玉錫石丹青之令。魏始置金部郎。歷代因之。屬於戶部。掌庫藏金寶貨物權衡度量等事。明廢。

【金猊】香爐也。以塗金爲狻猊狀。空其中以燃香。使香自口出。相傳猊性好烟火。故用之。〔李清照詞〕香冷金猊。

【金婚】歐俗。結婚後五年。行紀念禮。曰木婚。十年曰錫婚。十五年曰水晶婚。二十年曰磁婚。二十五年曰銀婚。五十年曰金婚。六十年曰金剛石婚。

【金粟】①佛名。〔發迹經〕淨名大士。是行古金粟如來。〔李白詩〕金粟如來是後身。②錢及米也。〔後漢書〕雜用布帛金粟。③桂花亦謂之金粟。以其花蕊如金粟點綴枝頭。故名。見〔格物叢〕。

話。

【金堤】●以金喻堤之堅也。〔張衡賦〕周以金堤。

樹以柳杞。〔注〕金堤謂以石爲邊隄。言堅也。●

地名堤取其堅。故多名堤以金。〔漢書〕河決

酸棗。東潰金隄。〔注〕「金隄。河隄名也。在東郡

白馬界。漢白馬縣。今河南滑縣東是也。●〔左

思賦〕西踰金堤。東越玉津。〔注〕「金堤在岷

山都安縣西。堤有左右口。此當在今四川成都縣西灌縣東。

【金貂】後漢書輿服志。武冠。諸武官冠之。侍中。

常侍加黃金璫。附蟬爲文。貂尾爲飾。故前書云。

戴金貂之飾。執常伯之職。胡廣曰。趙武靈王始

爲之。北方寒涼。本以貂皮暖額。附施於冠。因遂

變成首飾。後凡稱侍從貴臣。多用金貂之語。

【金華】●山名。在浙江金華縣北。一名長山。亦作

常山。〔元和志〕長山。赤松子得道處。山中諸溪

匯流。其下兩巖對峙。登其上。則城郭聚落。宛在

目前。唐六典以爲江南道名山之一。●今縣名。

隋置。明升爲府。清因之。屬浙江。今廢府存縣。屬

浙江金華道。其地出火腿爲名產。●華卽花。謂

以金花爲飾也。〔曹植文〕金華之鳥。動趾遺光。

【金湯】〔漢書〕皆爲金城湯池。不可攻也。〔注〕金

喻堅。湯喻沸熱。不可近。〔後漢書〕金湯失險。車

水共道。

【金雁】〔溫庭筠彈箏人詩〕鈿蟬金雁皆零落。〔

劉貢父詩話云。鈿蟬者箏飾。金雁者箏柱也。一

說。鈿蟬金雁皆人名。

【金統】唐時黃巢嘗自稱號金統。〔民國前一〇

三二〕

【金棺】〔水經注〕「佛涅槃後。香花供養。盛以

金棺。此謂金飾之棺。●貴妃之棺。稱金棺。帝

后則曰梓宮。尊稱也。

【金壺】●卽銅壺。古漏刻器也。〔李白詩〕銀箭金

壺漏水多。●酒器也。〔韓翃詩〕金壺醉老春。●

〔拾遺記〕周靈王時。浮提之國。獻神通善書二

人。出肘間金壺四寸。壺口有墨汁。如淳漆。灑地

及石。皆成篆隸科斗之字。〔李維詩〕彩毫閒試

金壺墨。

【金塔】今縣名。清爲甘肅肅州地。王子莊州同駐

此。今改縣屬甘肅安肅道。

【金鄉】今縣名。漢置。清屬山東濟寧州。今屬山東

濟寧道。

【金微】山名。後漢耿夔圍北單于於金微山。大破

之。單于走死。山在漠北。去朔方五千餘里。唐置

金微都督府。

【金葉】捶金使薄如葉。謂之金葉。〔宋史〕徐積嘗

借人書笈。經宿還之。借者給言中有金葉。積謝

而不辨。賣衣償之。

【金鉦】●〔張衡賦〕戴金鉦而建黃鉞。〔注〕金鉦。

鐃鏡之屬。●以之喻日。〔范成大詩〕晃晃金鉦

吐。

【金遁】仙家遁形之術也。詳五遁條。

【金源】●水名。卽今吉林之阿什河。遼金之際。稱

按楚虎水。按楚虎亦作愛新。義卽金也。其水源

在小白山附近。是爲金源。金置上京會寧府於

此。清一統志謂金源卽今吉林之湖爾哈河。誤

也。●世亦稱金國曰金源。蓋按楚虎水。發源於

上京路。爲金之舊土。故曰金源。見〔金史地理

志〕

【金裝】●言資裝之盛也。〔李白詩〕行人歇金裝。

●以金飾物也。〔宋史〕盡以金裝。

【金農】清錢唐人。字壽門。一字冬心。以布衣舉鴻

博科。不就工詩。善書畫。嗜奇好古。藏金石文字

甚富。所著有冬心集。

【金匱】●謂以金爲藏書匣。慎祕之也。〔史記〕與

功臣剖符作誓。丹書鐵券。金匱石室。藏之宗廟。

〔又〕遷爲太史令。紬史記。石室金匱之書。●縣

名。清置。屬江蘇常州府。今并入無錫縣。

【金蒲】地名。一作金滿。〔通典〕「金蒲城卽車師

後王所治務塗谷。今庭州蒲類縣是也。〔唐庭

州。今土魯番北五百里。新疆迪化縣。蒲類。今新

【金塘】城名。在河南洛陽縣東北。魏明帝所築。魏主禪位於晉。出舍金塘城。西晉帝后太子被廢。輒居於此。南北朝時。以此爲屯戍要地。

【金榜】崔紹病夢到冥司。見金銀鐵三榜。金榜悉列將相名。其次銀榜。州縣小官。並是鐵榜。事見「太平廣記」。後謂應試中式者曰金榜題名。

【金箔】本作金薄。金之薄片。用以飾物。俗謂貼金是也。「宋史」禁以金箔飾佛像。

【金閨】●與金門同。「江淹賦」金閨之諸彥。蘭臺之羣英。●閨閣之稱。「趙嘏詩」向燈垂玉枕。對月灑金閨。

【金瘍】刀創也。見「周禮注」。

【金齒】百蠻之俗。以金塗其齒者。曰金齒。元初置金齒宣撫司於銀生厘甸。後以遠不可守。移於近地。明置金齒衛。後改爲永昌軍民府。今雲南永昌縣治是也。

【金鋪】古以金爲鋪首。飾諸門上。作龍蛇或諸獸形。用以銜環。「司馬相如賦」擠玉戶以撼金鋪兮。「注」以金爲鋪首也。按山堂肆考云。牕戶鉸具。名曰環紐。卽古金鋪遺意。名義考云。門銀雙曰金鋪。單曰屈膝。則竟以銀或鉸當之矣。參看鋪首條。

【金節】儀仗之屬。隋制。黑漆竿。上施圓盤。周綴紅絲拂八層。黃繡龍袋籠之。「明會典」響節十二對。金節三對。謂之金節。

【金蓮】「南史」東昏侯鑿金爲蓮花。以貼地。令潘妃行其上。曰。此步步生蓮花也。後因以爲女子纖足之稱。

【金輪】佛經言轉輪王中。以金輪王爲最勝。王出時。諸國咸服。唐則天后稱金輪聖神皇帝。用此事也。參看轉輪王條。

【金瘡】金刃之傷也。「盧同詩」蓬髻哀吟古城下。不堪秋氣入金瘡。

【金積】今縣名。土名金積堡。民國以寧靈廳改置。屬甘肅寧夏道。

【金縣】今縣名。●在奉天。唐置金州。遼改蘇州。明爲金州衛。清置廳。屬奉天府。今改縣。屬奉天東邊道。地在遼東半島南之金州半島上。西臨渤海。東臨黃海。爲南滿洲鐵路所經。●在甘肅。元置金州。明降爲縣。清屬甘肅蘭州府。今屬甘肅蘭山道。

【金閨】江蘇吳縣閨門內。舊有金閨亭。一作金昌。以位在西而與閨門近。故名。劉宋時徐羨之弑廢帝於金昌亭。卽此。今通稱蘇州曰金閨。

【金壇】●今縣名。唐置。清屬江蘇鎮江府。今屬江蘇金陵道。●謂仙境也。「茅君內傳」洞天三十六所。乃真仙所居。第八句曲山之洞。名曰金壇。

【金融】今謂金錢之融通狀態曰金融。舊稱銀根。各種銀行票號。錢莊。曰金融機關。「通鑑長編」「公家之費。敷於民間者。謂之圓融。」義於金融爲近。

【金龜】唐初。品官皆佩魚。以防召命之詐。天授二年。改佩魚皆爲龜。三品以上。袋飾以金。四品以銀。五品以銅。「李商隱詩」無端嫁得金龜婿。

【金衡】權金銀之衡。所以別於常衡及藥衡也。參看附錄度量衡幣表。

【金縢】周書篇名。武王疾。周公禱於三王。請以身代。史納其祝冊於金縢之匱中。其後周公以管蔡流言。避居東都。成王啟匱得其書。乃知公之勤勞。執書以泣。迎周公歸成周。謂之金縢者。以其匱用金緘也。

【金甌】喻疆土之完固也。「南史」武帝言。我國家猶若金甌。無一傷缺。

【金諾】「史記」得黃金百斤。不如得季布一諾。言其言足貴也。「顧雲文」果踐玉音。不移金諾。

【金鴨】香爐也。「徐經詩」香煙結霧籠金鴨。

【金蕉】酒杯也。「高憲詩」正要金蕉引睡。

【金橘】一名金柑。常綠灌木。幹高六七尺。產贛浙川廣間。葉橢圓。有透明之小點。夏開白花。秋冬實熟。色黃如金。形圓。味甘酸而芳香。生食蜜漬皆佳。一種成倒卵形者。別稱牛奶柑。一曰金棗。

【金谿】今縣名。本五代南唐金谿場。宋升爲縣。明清皆屬江西撫州府。今屬江西豫章道。

【金聲】明休寧人。字正希。崇禎間官御史。唐王授右都御史兼兵部右侍郎。總督諸軍。清軍破旌。

德諸縣被執。死之。諡文毅。

【金燧】日中取火之器。禮記注。金燧可取火於日。木燧鑽火也。

【金薤】韓愈詩。平生千萬篇。金薤垂琳琅。金謂金錯書。薤謂倒薤書。均書體之一。明都穆撰金薤琳琅二十卷。蒐輯金石文字。編次而辨證之上。始漢魏。下迄隋唐。其名蓋取義於韓詩。

【金璫】冠上飾也。後漢書。明帝以後。中常侍至十人。小黃門二十人。改以金璫右貂兼領卿署之職。參看金貂條。

【金雞】古頒赦詔日。設金雞於竿。口銜絳旛。雞以黃金飾首。故云金雞。宋史。天雞星動。為有赦。故王者以天雞為度。金雞事。六朝已有之。或謂起於西京。即錦雞。溪蠻叢笑。金雞。金項火背。班尾。揚翹。志意揭驕。籠之不能馴。

【金鏡】刀似箭鏃者曰鏡。涅槃經。有人詣良醫。醫者以金鏡刮其眼膜。使復明。杜甫詩。金鏡刮眼膜。鏡一作篋。

【金曜】七曜之第六日。亦稱星期五。詳七曜日條。

【金蟬】漢制。侍中中常侍冠飾。金蟬珥貂。金取堅剛。蟬居高飲潔。故以為冠飾。見後漢書輿服志注。

【金闕】道書言天帝所居。有白玉京。黃金闕。天子之宮闕。亦曰金闕。岑參詩。金闕曉鐘開萬戶。

【金顏】異香也。八紘譯史。真臘產金顏香。乃樹脂。有黃白黑三種。白最佳。冠也。徐爰釋問。通天冠。金博山蟬為之。謂之金顏。

【金爵】酒器也。唐書。上官昭容善文章。數賜宴賦詩。又差第羣臣所賦。賜金爵。與雀同。指飾於屋上者。班固賦。上觚稜而棲金爵。釵也。曹植詩。頭上金爵釵。白居易詩。翠翹金爵玉搔頭。

【金鏡】指鏡言之。江淹詩。寶燭夜無花。金鏡晝恆微。喻明道也。劉峻文。聖人握金鏡。開風烈。

【金獸】門之鋪首。鑲為獸形。或稱金獸。薛逢宮詞。鎖銜金獸連環冷。參看金鋪條。

【金邊】地名。亦稱黃金海岸。詳黃金海岸條。又印度古代。稱馬來半島為金邊國。

【金蟾】李商隱詩。金蟾留鎖燒香入。注。蟾善閉氣。古人用以飾鎖。庶物異名疏。謂鎖為香器。蓋有鼻鈕。故名。參看鎖香條。

【金繩】古封禪儀。以金為繩。而編玉節。謂之策。藏策於玉匱中。纏以金繩五周。其外又為石繩。以容玉匱。纏金繩五周。如其內。見舊唐書禮儀志。

【金蘭】言交友相投合也。易。二人同心。其利斷金。同心之言。其臭如蘭。世說。山公與嵇阮一面契若金蘭。

【金甕】古禮器。以盛酒者。容一石。以木為之。而飾以金。刻雲雷之象。故謂之金甕。圖從禮書通故。

【金竈】煉丹之竈也。陳書。金竈之方。吾知其訣。金錄。道家謂天帝詔書曰金錄。崔國輔詩。金錄三。清降。唐六典。道士修行。齋七日。曰金錄大齋。

【金蠶】續博物志。南方人畜金蠶。飼以蜀錦。取其遺矢。雜飲食毒。人多以金銀藏篋。置蠶其中。投路隅。人或收之。蠶隨往。俗稱嫁金蠶。按今黔桂之間。猶相傳苗人畜金蠶。蠶云。古用為殉葬之具。鑄銅肖蠶形。而塗金。亦有銀為之者。鄴中記。永嘉末。盜發齊桓公墓。得金蠶數千箇。

【金鑾】舊為翰林之稱。唐時因金鑾坡以為門名。與翰林院相接。故為學士者。稱金鑾以美之。梁改思政殿為金鑾殿。置大學士一員。後遂以為名。又按唐本有金鑾殿。肅宗以後。置東翰林院於金鑾殿西。隨上之所在而遷。并見通考。

【金口角】樂器名。木管。兩端以銅為口。上穿下哆。管長約一尺。刻如竹節。前開七孔。後一孔。以蘆哨入管端吹之。小者謂之海笛。長六寸有奇。大



金甕

者謂之聶兜姜。長一尺二寸有奇。形制俱同。見〔清會典〕

【金五京】金有五京。一曰上京會寧府。在吉林。二曰北京臨潢府。在內蒙古巴林。三曰南京遼陽府。在奉天。四曰中京大定府。在熱河平泉縣。五曰西京大同府。在山西。

【金太祖】金開國之帝。姓完顏。名阿骨打。後更名旻。出於女真。世居松花江之東。屬遼而不繫籍。號爲生女真。宋仁宗時。有烏古迺者。受遼主命。爲生女真節度使。五傳至阿骨打。桀黠有勇略。叛遼稱帝。國號金。都會寧。以次吞併遼之疆土。在位九年。

【金不換】指墨言。〔墨經〕凡墨日用之一歲。纔減半分。如是者萬金不換。三七亦名金不換。三七藥名。按物品貴重罕得者。世多以金不換稱之。

【金毛鼠】馮當世。人目爲金毛鼠。以其外文采而中實貪狠也。見〔能改齋漫錄〕

【金日磾】漢武帝時人。本匈奴休屠王太子。沒入官。初爲馬監。後遷侍中。在上左右。目不忤視。數十年無過失。篤愼爲帝所信愛。拜車騎將軍。莽與霍光同受遺詔輔政。爲光副。以休屠作金人爲祭天主。故賜姓金氏。

【金水河】卽玉河。元時名金水河。〔歐陽原功碑

記〕自積水潭環大內之左。合金水河。南流東出。以其自西門入。故名。參看玉河條。

【金本位】以金幣爲本位貨幣也。詳本位貨幣條。

【金石人】金安節爲給事中。直諫不屈。時有以潛邸舊恩擢官者。奏罷之。張浚語人曰。金給事真金石人也。見〔宋史〕

【金石交】言交情堅如金石也。〔漢書〕武涉說信曰。足下自以爲與漢王爲金石之交。然終爲所擒。

【金石例】書名。元潘昂霄撰。以韓愈所撰碑誌爲括例。於家世宗族職名妻子死葬日月之類。咸條列其文。標爲程式。亦兼論他種文體。凡十卷。又清黃宗義有金石要例一卷。就潘書摘其要領。補其所闕。考據較潘書爲密。郭麐。梁玉繩。皆有續纂。

【金石索】書名。清馮雲鵬撰。雲鵬久遊山左。所見彝器碑碣甚多。是書凡十二卷。計金索六卷。鐘鼎。戈戟。量度。雜器。泉刀。璽印。鏡鑑之屬。入之石索六卷。碑碣。瓦甋之屬。入之上起三代。下逮有元。旁及日本古鏡。外國錢幣。皆摹其器物。附以考訂。頗稱賅博。

後二十卷爲辨證。凡跋尾五百二篇。共三十卷。

【金石聲】〔晉書〕孫綽嘗作天台賦。辭致甚工。初成。以示范榮期。云。卿試擲地。當作金石聲也。

【金字牌】〔夢溪筆談〕驛傳舊有三等。曰步遞。馬遞。急脚遞。急脚遞最遽。日行四百里。熙寧中。又有金字牌急脚遞。以木牌朱漆黃金字。光明炫目。過如飛電。望之者無不避路。日行五百餘里。有軍前機速處分。則自御前發下。

【金字塔】Pyramid 以石築成之尖塔也。以形如漢文金字。故譯稱金字塔。亦譯尖方塔。底爲四方形。面爲三角形。斜向而上。至尖頂爲止。其最著者在埃及。國建於古代王墓之上。方底。每面廣七百五十六英尺。高至四百八十八英尺。至今遺跡尙存。他如希臘。意大利。墨西哥。印度。諸國皆有之。

【金沙江】長江之上游。或稱小金沙江。北。金沙江。以產金沙故名。源出青海極西巴顏喀喇山。陽。番名木魯烏蘇。河。曲折東南流。二千數百里。經四川西徼之巴塘。南流入雲南西北邊。經麗江縣北。曰麗江。俗號金沙江。東迤北至四川成一大曲。與黃河大曲遙遙相向。自雷波渡而東北。有馬湖江之名。又東北經屏山。至宜賓縣城。東合岷江東流。爲大江。卽今通稱之長江是也。

●伊拉瓦底河。經緬甸孟養東。曰大金沙江。亦曰南金沙江。詳伊拉瓦底條。

【金波亭】梁王彥章屯兵處。後爲魏人所攻。彥章南走。故址在今直隸大名縣東。華亭李靄之善畫。羅詔威建一亭。爲靄之揮毫之所。名曰金波。時以靄之爲金波處士。見〔宣和畫譜〕。

【金花牋】灑泥金於紙。今所謂描金牋也。〔太真外傳〕帝與妃賞牡丹。命李龜年持金花牋賜李白。

【金花蟲】身似蜂。背綠。如金貼。翅生甲下。一名綠金蟬。又名金蟲。婦人用爲釵環之飾。吳均詩云。寶粟鈿金蟲。是也。

【金明池】宋汴京順天門外。有金明池。圍約九里。三月一日後。每日教習車駕。士庶縱觀。宋汴京今河南開封縣是。

【金匱匣】以金絲爲網。幕於器物外面者。〔崇禎宮詞注〕宮中燈縷金匱匣以護之。田貴妃去其縷三分之一爲方空。而幕以輕綃。覺倍明耳。

【金星石】石作靛青色。而有淡黃斑點。可用爲硯石。浙江樂清縣之金星溪。安徽歙縣之龍虎溪。皆產之。雲林石譜云。產于閩。

【金星草】鳳尾草之異名。又石草。狗脊。貫衆等。背皆有黃色或濃褐色之子囊羣。故俗亦有金星草之稱。

【金馬山】在今雲南昆明縣東。漢時有金馬之神。見於此。元末明玉珍陷雲南省。治屯金馬山。自稱隨蜀王。參看金馬碧雞條。

【金馬門】漢武帝使學士待詔金馬門。備顧問。漢未央宮前有銅馬。故曰金馬門。

【金根車】考經援神契。德至山林。則山出根車。根車卽禮記所云山出器車。般之木輅。取法於此。秦漢飾之以金。以爲乘輿。謂之金根車。宋謂之桑根車。言桑色黃如金也。見〔留青日札〕。韓愈子昶。爲集賢校理。見書傳有金根車。以爲誤。改根爲銀。爲時所譏。見〔尚書故實〕。

【金剛石】Diamond 俗稱鑽石。由純炭質而成。爲八面或十二面體之結晶。產南非洲之特蘭司佛爾及巴西。印度等處。硬度在萬物中爲最高。最上者無色透明。折光力至強。故輝耀有光。以金剛石屑琢磨之。可製指環首飾之屬。綠黃茶褐諸色。次之黑而不透明者爲下。

【金剛杵】古印度所用武器。兩端巨而中細。以利握執。佛徒用之。云以表菩提心。〔法苑珠林〕有。力人以金剛杵擊風輪。杵碎。風輪不損。

【金剛砂】卽石榴石之細粒。參看石榴石條。

【金剛經】佛經名。詳稱金剛般若波羅密多經。般若者。睿智之義。謂般若之體。眞常清淨。不變不移。譬如金剛之堅實。波羅密多者。度行之義。猶言到達彼岸也。經爲鳩摩羅什所譯。

【金剛鑽】金剛石之粉屑也。〔本草注〕其沙可鑽玉補瓷。故謂之鑽。

【金針菜】以萱草花之單瓣曝乾者爲之。一名黃花菜。味微甜。可食。河南山東等所產爲著。

【金針蟲】卽線蟲。詳線蟲條。

【金翅鳥】古印度所傳說之怪鳥。梵語爲迦樓羅。〔法苑珠林〕金翅大鳥欲取龍食。龍怖懼。便懷熱惱。惟阿耨達龍無此患。

【金陵道】民國置。屬江蘇省。治江寧縣。轄江寧。句容。溧水。高淳。江浦。六合。丹徒。丹陽。金壇。溧陽。揚中。十一縣。

【金雀石】產益都縣金雀山。色紺青。質堅。宜作硯。見〔唐洵硯錄〕。又〔沈心怪石錄〕金雀山石紺青潤密。叩如金玉。用墨不逮歙。

【金雀花】一名黃馨。素馨之異種也。花四瓣尖瘦。旁兩瓣外張如飛雀。故名。參看素馨條。

【金帶圍】芍藥之異種。紅瓣黃腰。產揚州。不常開。相傳開則城中出宰相。宋韓琦守郡日。花開四朵。公招王珪。王安石。陳升之。同宴花下。後四人皆爲首相。見〔劉攽芍藥譜〕。

【金釵股】石斛及忍冬藤俱名金釵股。

【金剪書】〔續仙傳〕司馬承禎善篆。別爲一體。名金剪書。

【金粟山】在陝西蒲城縣東北。唐明皇泰陵在此。高力士陪葬。

【金粟箋】卽金粟山藏經紙。詳藏經紙條。

【金粟蘭】卽珠蘭。詳珠蘭條。

【金絲桃】灌木。高三四尺。細莖叢生。葉作長橢圓

形。無柄。對生。夏日開花。五瓣。深黃而大。雄蕊甚多。敷散花外。狀如金絲。其實爲裂果。而多子。

【金絲堂】在山東曲阜縣聖廟東詩禮堂後。卽孔子故宅。後世以爲廟。宋時。卽故址建金絲堂。昔魯共王壞孔子宅。聞鐘磬琴瑟之聲。遂不敢復壞。堂以此名。

【金華子】書名。南唐劉崇遠撰。崇遠自號金華子。因以名書。原本久佚。今本從永樂大典錄出。凡六十餘條。皆唐大中以後朝野之佚事。於將相賢姦。藩鎮強弱。言之頗悉。亦述文章。誌神怪。凡二卷。

【金華道】民國置。屬浙江省。治蘭溪縣。轄金華。蘭谿。東陽。義烏。永康。武義。浦江。湯溪。衢。龍游。江山。常山。開化。建德。淳安。桐廬。遂安。壽昌。分水。十九縣。

【金華殿】漢未央宮有金華殿。成帝時。鄭寬中。張禹。朝夕入殿中。說尙書論語。世說。劉尹聽講禮記。輒云。此未關至極。自是金華殿中語。

【金絲燕】燕之異種也。體小於燕。背褐色。尾腹間白色。產我國南方及印度。恆居巖穴中。以海藻和津液作巢。其巢卽世所謂燕窩也。

【金鈴子】蟲名。吳俗以稱蜘蛛。子體形似蟋蟀而小。長二分許。色淡黃。細聲唧唧。清越可聽。果實也。卽棟樹子。形如小鈴。熟則色黃。故名。

【金聖歎】明末長洲人。本姓張。名采。後改姓金。名

喟。一名人瑞。聖歎其字也。爲人狂傲有奇氣。嘗言天下才子之書有六。一莊。二騷。三馬史。四杜律。五水滸。六西廂記。因作各書批評。其水滸西廂兩種。頗爲世俗傳誦。又三國志演義。載金聖歎序文。有第一才子之目。又果在三國也之語。故俗以三國志演義爲第一才子。清初以抗糧哭廟案被誅。

【金盞草】一年生草。莖高尺許。葉作長橢圓形。花金黃色。爲頭狀花序。深小如盞。四時不絕。其實爲小乾果。彎曲有刺。

【金盞淀】湖名。亦曰金盞兒淀。在順天通縣北。廣三頃。水上有花開似金盞。

【金銀花】卽忍冬花。以其花黃白互生。故名。詳忍冬條。

【金鳳花】卽鳳仙花。馮延巳詞。金鳳花殘滿地紅。詳鳳仙條。

【金樓子】書名。梁元帝撰。六卷。帝在藩時。以金樓子自號。因以名書。當時周秦遺書。未盡亡佚。故其所徵引。多史外軼聞。

【金蓮川】在直隸多倫縣上都河屯地方。潞河之上流也。方輿紀要云。卽金世宗納涼之地。產黃花。狀若芙蓉。而小。川故以名。蒙古憲宗命其弟忽必烈總治漠南。開府金蓮川。

【金蓮花】草本。蔓生。直隸山西等省有之。一名金芙蓉。又稱旱地蓮。莖臥地出多枝。葉圓有淺缺

刻。似荷葉而小。夏季葉腋開花。五瓣。瓣萼皆深黃。瓣心有紅點。色甚豔。元裕之有詠五台山金蓮花詩。

【金蓮盃】輟耕錄。楊鐵崖耽好聲色。每於筵間見歌兒舞女有纏足纖小者。則脫其鞋載盞以行酒。謂之金蓮盃。

【金蓮燭】唐令狐綯事。綯爲翰林承旨。夜對禁中燭。盡命以乘輿金蓮華炬送還。院吏望見。以爲天子及綯至。皆驚。宋王欽若事。欽若爲資政殿大學士。中秋夕。召至小殿。對宴賦詩。宴罷。命撤金蓮燭送歸院。蘇軾事。軾嘗宿禁中。召對便殿。徹御前金蓮燭送歸院。史浩事。孝宗召侍讀史浩。錫宴澄碧殿。抵暮。以金蓮燭送至玉堂直廬。見玉堂雜記。

【金履祥】元蘭谿人。字吉父。少有經世之志。及壯知濂洛之學。遂窮究義理。爲一代名儒。所居在仁山下。學者稱仁山先生。

【金線草】多年生草。山野自生。莖高二尺許。葉橢圓。頂端尖銳。夏日莖上出細花軸。色紅。長尺餘。花深紅而小。爲總狀花序。

【金線蛙】俗稱田雞。又名水雞。體色淡綠。背有黃色縱線。腹白。口中有舌及齒。趾有蹼。性機警。善鳴。常棲息水田。食昆蟲。有益於農業。爾雅所謂在水者黽。卽此。

【金盤露】鶴林玉露。楊萬里退休。名酒之和者

曰金盤露。勁者曰椒花雨。嘗曰。余愛椒花雨。甚於金盤露。

【金錯刀】錢名。漢書食貨志。王莽更造大錢。又造錯刀。以金錯其文。曰一刀直五千。刀名。

後漢書輿服志。佩刀。乘輿黃金通身雕錯。諸侯黃金錯環。東觀漢記。賜鄧通金錯刀。喻書體。南唐李後主善書。作顛筆樛曲之狀。遒勁如寒松霜竹。謂之金錯刀。見談薈。

【金龜子】俗稱金蟲。體長六七分。金綠色。背有甲六足。種類甚多。有一種害稻者。其幼蟲色白。是為螻蛄。棲稻根齧食之。及化成蟲。仍食稻葉。旋產卵於葉鞘。農家苦之。

【金錢卜】唐于鵠江南曲。衆中不敢分明語。暗擲金錢卜遠人。周易啓蒙翼。以京易考之。世所傳火珠林者。卽其法也。以三錢擲之。

【金錢花】草本。秋開花。色黃似錢。而欠稜廓。午開子落。故名。子午花。又名夜落金錢。見羣芳譜。

【金錢戲】開天遺事。內庭嬪妃每至春時。於禁中結伴擲金錢爲戲。王建宮詞。金錢擲罷嬌無力。笑倚闌干屈曲中。

【金錢蟹】小蟹。以形似錢得名。閩書。產鹹淡水間。有黑膏。醃食甘美。

【金錢豹】本草。豹文如錢者。曰金錢豹。宜爲裘。楊允孚詩。兩行排列金錢豹。

【金縷衣】曲調名。杜牧杜秋娘詩注。勸君莫惜金縷衣。勸君須惜少年時。李綺常唱此曲。

宋人詞。有金縷曲一調。蓋卽借用其名也。

【金縷梅】落葉亞喬木。高丈餘。葉橢圓。互生。質厚微皺。早春開花。其色金瓣如縷。遠望如蠟梅。產安徽之黃山。

【金鎖甲】杜甫詩。兩拋金鎖甲。薛倉舒曰。車頻奏書云。符堅使熊逸造金銀細鎧。金爲綫以縹之。今謂甲之精細者爲鎖子甲。言相銜之密也。參看鎖子甲條。

【金鎖曲】曲調名。唐僖宗朝。內製袍千領。賜塞外吏士。神策將軍馬直於袍絮中得金鎖一枚。詩一首。爲人所告。奏聞。帝令直赴闕。以宮人賜爲妻。有情者爲金鎖曲。流於世。見唐音癸籤。

【金襖子】蛙之別種。長寸許。足有吸盤。頗大。生山間。清流中。鳴聲清亮。秋間爲多。

【金鐘兒】蟲名。似促織。身黑而長。前銳後豐。尾歧爲二。以翼鳴。作磴稜之聲。如小鐘然。俗稱爲馬鈴子。又一種身綠色。尾尖略似梭形。鳴聲頗促。俗亦名金鐘兒。

【金鐘罩】拳術之一。見易筋經。

【金鏡山】在福建建寧縣南三十里。越王無諸嘗校獵於此。鳴鏡載旗。因名。

【金灌口】地名。詳灌口條。

【金罍子】書名。明陳絳撰。凡四十四卷。仿論衡例。博引古事。而加以論斷考證。本名山堂隨鈔。陶

望齡爲刪汰之。改題今名。絳。上虞人。所居有金罍山。

【金蘭帖】格古要論。金蘭帖。歐陽率更真書。凡六十字。

【金蘭簿】雲仙雜記。戴宏正每得密友一人。則書於編簡。焚香告祖考。號爲金蘭簿。按俗結異姓兄弟。所謂金蘭譜。蘭譜。蓋仿於此。參看金蘭條。

【金櫻子】一名巖榴。服食家用煎和雞頭粉爲丸。名水陸丹。又林檎何裏子亦曰金櫻子。與此同名異物。見蜀本草。

【金口木舌】論語注。木鐸。金口木舌。法言。莫若使諸儒金口而木舌。

【金牛御史】朝野僉載。嚴昇期攝侍御史。於江南道巡察。性嗜水獐肉。所至州縣。烹宰極多。大事小事。入金則弭。故江南號爲金牛御史。

【金戈鐵馬】指兵事也。五代史。毒手尊拳。交相於暮夜。金戈鐵馬。蹂踐於明時。

【金石爲開】謂至誠足以動物也。新序。熊渠子見其誠心而金石爲之開。况人心乎。

【金石萃編】書名。清王昶撰。凡收三代至宋末遼金之金石文字一千五百餘通。摹勒全文。間加訓釋。凡題額碑陰。兩旁題識。皆詳載無遺。碑制之長短寬博。則取漢初虛僞尺。度其分寸。并附載諸家題跋。加以案語。蓋金石學中最高賅博。

之書也。凡一百六十卷。

【金玉滿堂】「老子」金玉滿堂。莫之能守。今俗用爲吉祥之語。

【金衣公子】「開天遺事」明皇於禁苑中見黃鸝呼爲金衣公子。

【金枝玉葉】謂皇族也。「蕭傲樂詞」金枝繁茂。玉葉延長。

【金門羽客】「曲洧舊聞」政和以後。黃冠寢盛。眷待隆渥。出入禁掖。莫敢誰何。號金門羽客。

【金陀粹編】書名。宋岳珂撰。二十八卷。續編三十卷。爲其祖飛辨冤而作。珂別業在嘉興金陀坊故名。

【金花帖子】唐宋時之登第錄。蓋猶後世報條之類。「容齋續筆」咸平元年。孫僅榜小錄。猶用唐制。以素綾爲軸。帖以金花。先列主司四人銜。皆押字。次書四人生年月及祖父名諱。私忌某日。然後書狀元孫僅。「雲麓漫鈔」國初循唐制。進士登第者。主文以黃花牋。長五寸許。闕半之書其姓名。花押其下。護以大帖。又書姓名於帖面。謂之勝帖。當時稱爲金花帖子。

【金科玉條】「揚雄文」金科玉條。謂法令也。金玉言其貴重。

【金相玉質】「詩」金玉其相。相者質也。「王逸離騷序」所謂金相玉質。百世無比。名垂罔極。永不刊滅者矣。

【金剛子木】「格古要論」金剛子木。出海南安南。六楞。偏身花紋深細可愛。堅且實。故名金剛子。作素珠。冬月不冷手。大者如榛子。小者如梧桐子。亦有如員眼大者。

【金剛怒目】「談藪」薛道衡遊鍾山開善寺。謂小僧曰。金剛何爲怒目。菩薩何爲低眉。答曰。金剛怒目。所以降伏四魔。菩薩低眉。所以慈悲六道。

【金馬碧雞】神名。又山名。如淳曰。金形似馬。碧形似雞。今雲南昆明縣。東有金馬山。其西南爲碧雞山。兩山皆有神祠。漢宣帝時。方士言有金馬碧雞之寶。可祭祀而致。帝使王褒往祀焉。

【金書鐵券】王佐鐵券考云。漢高帝平定天下。剖符封功臣。上者王。次者侯。十二年。又大封功臣。申以丹書之信。重以白馬之盟。始作鐵券。其內鏤字。以金塗之。故名曰金書鐵券。見「格古要論」。

【金盃玉杯】「堪輿家謂吉地有金盃玉杯之名。金盃地。破而復成。玉杯地。則一破不復完全。見「孔帖」。

【五代史】「馮延巳爲相。孫晟輕其爲人。曰。金盃玉杯。而盛狗矢乎。」言德不副其位也。

【金釵十二行】「古樂府」頭上金釵十二行。謂以一人帶十二釵。蓋古婦人髻高。故能插金釵六雙也。見「留青日札」。

又「白居易酬牛思黯詩」金釵十二行。注「思黯之妓頗多。故云」。按今

人謂姬妾衆多。每用金釵十二語。蓋本白詩。

【金華將軍】杭州之金華將軍。卽青蛙二字之訛。其物類蛙而三足。多見夏秋之交。俗祀爲神。見「阮葵生茶餘客話」。

【金童玉女】道家謂仙人所居。有童男女侍應。名金童玉女。「徐彥伯詩」金童擎紫藥。玉女獻青蓮。

【金錢銀臺】水仙別名。「雲麓漫鈔」水仙花。有單葉者。有千葉者。楊承齋云。世以水仙爲金錢銀臺。蓋單葉者。其中真有一酒錢。深黃而金色。至千葉水仙。則不當以俗名名之也。

【金貂換酒】「阮孚爲黃門侍郎。嘗以金貂換酒。爲所司彈劾。見「晉書」。

【金絲荷葉】常綠多年生草。蔓生。葉似荷而小。莖有紅絲繞之。故名。一名虎耳草。

【金匱要略】書名。漢張機撰。凡二十五篇。二百六十二方。爲醫雜症者所祖。清徐彬注。共二十四卷。

【金漳蘭譜】書名。宋趙時庚撰。其書與王貴學譜互有詳略。本是三卷。陶宗儀收入說郛者佚其第三卷。非完帙也。

【金漿玉醴】仙藥也。「抱朴子」朱草生名山巖石中。汁如血。以金玉投其中。立便可丸如泥。久則成水。以金投之。名爲金漿。以玉投之。名爲玉醴。服之皆長生。今用爲旨酒之喻。

【金聲玉振】「孟子」集大成也者。金聲而玉振之也。言孔子之德。猶作樂之以鐘發聲。以磬收韻。合衆音以成之也。

【金羹玉飯】「初學記」石首魚。鱗色黃如金。和葷菜作羹。謂之金羹玉飯。

【金蟬脫殼】見關漢卿謝天香曲。喻逃遁也。通俗編云。金蟬是冠制。若脫殼之蟬。不應綴以金字。此特俗語。

【金雞納霜】見幾那條。

【金鯨玉鯨】橋名。在北京西苑內。貫太液池。東西兩端立二坊。西曰金鯨。東曰玉鯨。橋以南曰南海。橋以北曰北海。

【金屬原質】見原質條。

【金屬礦物】非金屬礦物之對稱。凡地球內部之金屬。由地殼之裂縫迸出。凝聚地層間。多與他物化合而成。鑛質如金銀銅錫鉛鋅之類。

【金齋玉鱸】「南部烟花錄」南人魚鱸。細縷金橙拌之。號爲金齋玉鱸。

【金山額魯特】部族名。依阿爾泰山而居。凡七部。一曰杜爾伯特。二部。一曰新土爾扈特部。一曰新和碩特部。由科布多長官兼轄。一曰明阿特部。一曰札阿沁部。一曰額魯特旗。由科布多長官直轄。

【金石文字記】書名。清顧炎武撰。所錄金石文三百餘種。各綴以跋。無跋者具列年月姓名。自序

謂扶別史傳。發揮經典。頗有歐趙二錄所未具者。凡六卷。

【金湯十二籌】書名。明李盤撰。皆言兵事。凡十二條。今傳本僅八卷。已亡其四篇矣。

【金箔驗電器】Gold-leaf electroscope 電學儀器。以驗發電體有無。

電氣。用大口玻璃瓶。蓋以軟木塞。中貫一端有小毯之銅柱。下懸金葉二片。如有電體近銅球。金葉即現分開之象。



金箔驗電氣

【金龍四大王】神名。江淮至潞河。皆有廟。矩齋雜記云。謝氏兄弟四人。紀綱統緒。緒最少。隱錢唐之金龍山。宋亡。赴水死。明太祖與蠻子海牙戰於呂梁。雲中有天將揮戈驅河逆流。元兵大敗。帝夢儒生素服前謁。曰。臣謝緒也。上帝命爲河伯。今助真人破敵。次日封爲金龍四大王。

據此知金龍者。其所隱之山名。四則其行第也。【金石林時地考】書名。明趙均撰。取諸家碑目。及當時新出古刻。仿陳思寶刻叢編。王象之輿地碑目之例。敘次朝代。以考其時。臚列郡縣。以考其地。故謂之時地考。凡二卷。

一 畫

【鉈】讀如乙。Gadolinium 金屬化學原質之一。或譯爲鎢。

二 畫

【鈿】「里擾切音丁」金飾器也。鈿缺爲帶頭飾。Ruthenium 金屬化學原質之一。

常雜於鉑鑛中。亦與銻銻相合而成合金。質堅而脆。色青白如鋼。其粉末狀之物。能溶解於王水。在空氣中加熱。則成灰黑色之粉末。或黃金色之結晶。

【鈿轡】「唐書」劉巨容使沙陀。以五百騎。鈿轡藻韞。望賊陣縱而遁。言其轡轡華麗也。

【釧】「支妖切音招蕭韻」釧也。見「說文」。釧也。見「爾雅」。見也。見「逸周書」。釧我周王。遠也。燕之北郊曰釧。見「方言」。姓。明釧劍佩。三河人。

【釘】「低經切音丁青韻」所以貫物使堅著者也。「晉書」陶侃以所貯竹頭。作釘裝船。【低徑切徑韻】以釘釘物也。「晉書」以棘針釘其心。

【釘坐】「玉海」今俗燕會。黏果列席前。曰看席釘坐。古稱釘坐。謂釘而不食者。按釘坐之義。蓋猶壓坐。珍之故不食也。唐崔遠有釘坐梨之稱。見「舊唐書」。又閩士稱荔支爲釘坐。真人見「清異錄」。皆謂其爲席上所珍也。

【釘疽】病名。即疔瘡。「齊書」徐嗣妙醫術。一姥稱舉體痛。而處處有黥黑無數。嗣煮湯令服之三

日而復。云此名釘疽也。

【釘倒】子之別名。見〔爾雅翼〕。猶言顛倒也。

【釘筋】〔北夢瑣言〕唐彭濬間有相者彭克用號釘筋。言事多驗。人以其必中。故有釘筋之名。

【釘鉸】即泡頭釘。釋名云。凡刀柄腋首皆有釘鉸。〔全唐詩話〕胡令能少爲鏤釘之業。夢人剖其腹。以一卷書納之。遂能吟詠。遠近號爲胡釘鉸。

【釘頭】〔杜牧賦〕釘頭磷磷多於在庾之粟粒。今俗語猶稱釘曰釘頭。

【釘鞵】鞵底著釘。雨行用之。〔唐書〕德宗入駱谷。值霖雨道滑。衛士多亡歸。朱泚惟李昇郭曙令狐彰等六人著釘鞋行。膝更控上馬。以至梁州。

【釘靈】即丁零。山海經作釘靈。詳丁零條。

【釘官石】〔癸辛雜識〕釘官石在長安城中。色青黑。其堅如鐵。凡新進士求仕者。以大釘釘之。徑入。則速得美官。否則齟齬不能入。入亦不能快利也。

【釜】〔扶武切音父慶韻〕烹飪之器。〔古史考〕黃帝始作釜。古量名。六斗四升曰釜。〔論語〕與之釜。

【釜山】●在今直隸保安縣西南。黃帝合符釜山。即此。地名。在朝鮮慶尙道之東南角。面朝鮮海峽。絕影島扼其口。自昔爲朝鮮日本交通之要衝。商業頗盛。

【釜水】〔淮南子〕釜出景。〔注〕景山在邯鄲西

南。釜水所出。南澤入漳。其原浪沸湧。勢如釜中湯。故曰釜。亦作盪水。參看盪陽條。

【釜中魚】●見魚游釜中條。後漢范冉事。見甑塵釜魚條。

【釜臍墨】謂鍋底煤炭也。可入藥。見〔本草〕。

【針】〔支音切音斟〕所以縫物者。古作鍼。詳鍼字各條。

三 畫

【鈞】〔底叫切音弔嘯韻〕以鈎取魚也。凡誘而取之。皆曰鈞。〔淮南子〕虞君好寶。而晉獻以璧馬鈞之。鈎鈎或省作鈞。〔戴表元詩〕還有魚兒上鈞來。姓宋鈞宏紹興進士。

【鈞名】作偽以求譽也。〔管子〕鈞名之士無賢士焉。〔漢書〕夫以三公爲布被。誠飾詐欲以鈞名。〔鈞星〕昔傳有妖物。夜飛晝隱。衣毛爲飛鳥。脫毛爲婦人名曰夜行遊女。又名鈞星。見〔西陽雜俎〕。良馬名。見〔羣牧故事〕。

【鈞竿】漢饒歌名。古今注云。鈞竿者。伯常子避仇河濱爲漁者。其妻思之而作也。每至河側輒歌之後。司馬相如作鈞竿詩。遂傳爲樂曲。又晉鼓吹曲亦有鈞竿。云傳玄所製。古今樂錄曰。鈞竿言聖皇德配堯舜。又有呂望之佐。以至太平也。

【鈞船】●漁船也。〔杜牧詩〕何如鈞船雨篷底。睡秋江。閩浙有一種運貨船。名曰鈞船。恆駛行

江海間。船身肖魚形。或作刁船。

【鈞臺】古鈞臺遺蹟頗多。其著者有十一。周太公望鈞臺遺址。相傳在今直隸南皮縣西十里。

方輿勝覽云。濮州有莊子鈞臺。濮州即今山東濮縣。舊有莊子祠。唐貞觀中建。漢淮陰侯韓信垂釣處。遺址在今江蘇淮安縣北。其隣爲漂母祠。在福建閩侯縣南九里。相傳東越王餘善於此釣得白龍。因築壇曰鈞龍臺。後呼鈞臺。山參看南臺條。漢嚴子陵垂釣處。遺址在浙江桐廬縣富春山下。瞰富春渚。有東西二臺。各高數十丈。其西臺。即宋謝朓哭文天祥處。湖北武昌縣西北江濱。亦有鈞臺。吳孫權嘗飲酒觀魚於上。晉陶侃遣兵逼王蒙。整陣於鈞臺爲後繼。庾信賦所謂鈞臺移柳指此。梁昭明太子鈞臺遺址。在今安徽貴池縣西之玉鏡潭。

梁任昉鈞臺遺址。在今江蘇宜興縣境。唐張志和鈞臺遺址。在湖北大冶縣東道士泚。金王鬱鈞臺遺址。在今京兆阜成門外。

【鈞樟】落葉亞喬木。山地自生。高丈餘。皮表有黑斑。葉作長橢圓形。背有赤毛。互生。春月開花。花小而色黃。形如繖。實黑大如豌豆。一名烏樟。或作鈞樟誤。

【鈞鼈】〔列子〕渤海之東有五山焉。帝使巨鼈十五。舉首而戴之。龍伯之國有大人一。釣而連六鼈。偕與員嶠。沈于大海。後人多借用此事。

